

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**



Стална делегација Парламентарне скупштине
БиХ у Парламентарној скупштини Организације
за европску безбједност и сарадњу

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

Stalna delegacija Parlamentarne skupštine
BiH u Parlamentarnoj skupštini Organizacije
za evropsku sigurnost i saradnju /
Stalno izaslanstvo Parlamentarne skupštine
BiH u Parlamentarnoj skupštini Organizacije
za evropsku sigurnost i saradnju

PARLIAMENTARY ASSEMBLY OF BOSNIA AND HERZEGOVINA
Delegation to the Parliamentary Assembly of the Organization for Security and Co-operation in Europe

Broj: 01,02,03,03/11-05-1-1050/17
Sarajevo, 26.7.2017.



KOLEGIJU PREDSTAVNIČKOG DOMA PSBiH

KOLEGIJU DOMA NARODA PSBiH

KOLEGIJU SEKRETARIJATA PSBiH

ČLANOVIMA DELEGACIJE PSBiH u PSOSCE-a

KOMISIJI ZA VANJSKE POSLOVE PREDSTAVNIČKOG DOMA PSBiH

**KOMISIJI ZA VANJSKU I TRGOVINSKU POLITIKU, CARINE, SAOBRAĆAJ I
KOMUNIKACIJE DOMA NARODA PSBiH**

SEKTORU ZA ODNOS E S JAVNOŠĆU PSBiH

**IZVJEŠTAJ S GODIŠNJEG ZASJEDANJA
PARLAMENTARNE SKUPŠTINE OSCE-a
Minsk, od 5. do 9. jula 2017.**

U Minsku je od 5. do 9.7.2017. održano 26. redovno godišnje zasjedanje Parlamentarne skupštine Organizacije za sigurnost i saradnju u Evropi (PSOSCE), u čijem radu su učestvovali: Aleksandra Pandurević, predsjedavajuća Delegacije, Bariša Čolak, prvi zamjenik predsjedavajuće Delegacije, Halid Genjac, drugi zamjenik predsjedavajuće Delegacije, i Dženana Leper, sekretar Delegacije.

Godišnje zasjedanje PSOSCE-a, u kojem je učestvovalo oko 260 predstavnika parlamenata zemalja Evrope, Sjeverne Amerike i Azije, otvoreno je uvodnim obraćanjima predsjednika Bjelorusije Aleksandra Lukašenka i predsjednice PSOSCE-a Christine Muttonen.

U svom uvodnom obraćanju predsjednik Belorusije Aleksandar Lukašenko na plenarnoj sjednici, održanoj povodom svečanog otvaranja 26. godišnje sjednice Parlamentarne skupštine OSCE-a u Minsku, rekao je: "Usuđujem se da kažem da je Evropa na raskršću problema, od kojih mnogi naizgled nemaju veze s evropskim kontinentom. Posljedice problema možda i nisu povezane s Evropom, ali slučajno smo u njihovom epicentru. Čak su i nedavni izbori u Sjedinjenim Američkim Državama uticali na Evropu. Počeli su određeni procesi reformiranja naših odnosa sa Sjedinjenim Američkim Državama i u američko-evropskim odnosima. Ovi procesi nisu jednostavni. Uvjeren sam da će Evropljani i Amerikanci pobijediti negativan efekat ovih problema. Ipak, postoje problemi."

Prema njegovim riječima, historijska istina leži u činjenici da zemlje nikada nisu imale jasnije razumijevanje šta znači nedostatak akcije.

"Bez rješavanja problema u Evropi, kojih ima mnogo, a najveći su Transnistrija i Nagorno-Karabah, završili smo sopstvenim sukobom u centru Evrope - u Ukrajini. Moramo posvetiti posebnu pažnju tim problemima", rekao je bjeloruski lider.

Aleksandar Lukašenko je, također, skrenuo pažnju na probleme kao što su: trgovina drogama, trgovina ljudima, zagađenje zraka i klimatske promjene.

"Ako ne uspijemo riješiti ove probleme na vrijeme, oni će izazvati ozbiljnije probleme koje će biti nemoguće izbjeći ili će zahtijevati ogromne količine novca za rješavanje. Zbog toga se problemi moraju rješavati blagovremeno", izjavio je predsjednik Belorusije.

Glavna tema ovogodišnjeg zasjedanja je: „Jačanje međusobnog povjerenja i saradnje za mir i prosperitet u regiji OSCE-a.“ Kako je programom rada planirano, tokom godišnjeg zasjedanja održan je veći broj sastanaka na visokom nivou, a izabrano je i novo rukovodstvo PSOSCE-a, odnosno predsjednik i potpredsjednici Skupštine.

Članovi Delegacije PSBiH u PSOSCE-a su u radu Komiteta za ekonomska pitanja, Komiteta za politička pitanja, te Komiteta za demokratiju i ljudska prava, između ostalog, razmatrali i usvojili nacрте nekoliko rezolucija koje su po okončanju zasjedanja postale sastavni dio glavne rezolucije PSOSCE-a. U okviru dnevnih redova ovih komiteta izabrani su novi predsjednici, potpredsjednici i izvjestioci ovih komiteta.

Na sjednicama komiteta izvjestioci su predstavili svoje izvještaje i nacрте rezolucija.

Predsjedavajući Komiteta za politička pitanja i sigurnost Roger Wicker (SAD) i izvjestiteljica Komiteta Margareta Cederfelt (Švedska), koji su ovogodišnji kandidati za mjesto potpredsjednika PSOSCE-a, naglasili su da je potrebno jačati ulogu OSCE-a kao primarnog foruma za transatlantski i evroazijski dijalog u rješavanju aktuelnih sigurnosnih izazova. Sederfeld je u Nacrtu rezolucije Komiteta pozvala da se države Zapadnog Balkana koje su članice uključe u konstruktivan dijalog s ciljem regionalne saradnje, ali i osiguravanja mira i sigurnosti na ovom području.

Na sjednici Komiteta za ekonomska pitanja, nauku, tehnologiju i zaštitu okoliša, predsjedavajuća Komiteta Nilza Sena (Portugal) i izvjestiteljica Komiteta Marietta Tidei (Italija) istakle su pitanja o kojima parlamentarci imaju obavezu da s posebnom pažnjom govore, jer predstavljaju imperativ za opstanak čovječanstva, poput smanjenja siromaštva, unapređenja socijalnih i zdravstvenih pitanja, visokog stepena obrazovanja. Govoreći o

Izveštaj odobrila Aleksandra Pandurević, predsjedavajuća Delegacije PSBiH u PSOSCE-a

migrantima, Tidei je ukazala na značaj ulaganja u oblast energetike i industrije s ciljem podizanja standarda i ekonomskog razvoja zemalja iz kojih potječu izbjeglice.

Predsjedavajući Komiteta za demokratiju, ljudska prava i humanitarna pitanja Ignacio Sanchez Amor (Španija) i izvjestilac Komiteta Kyriakos Hadjiyianni (Kipar) naglasili su da je, u vremenu aktuelnih sukoba, poštovanje ljudskih prava temelj u arhitekturi država članica OSCE-a. Hadjiyianni je rezolucijom ukazao na potrebu da se očuva vladavina prava, koja utvrđuje legitimnost institucija i predstavlja garant sigurnosti.

Na dnevnom redu 26. godišnjeg zasjedanja PSOSCE-a bila su pitanja borbe protiv terorizma, klimatskih promjena, migracija i jačanja ljudskih potencijala. Na plenarnoj sjednici bilo je riječi i o aktuelnim sukobima u i oko Ukrajine, Nagorno-Karabahu, Južnom Kavkazu, ali je razmatrano i ukidanje smrtne kazne, te prava izbjeglica i interno raseljenih lica.

Sva ova pitanja obuhvatila su Zajedničku deklaraciju, koja se usvaja na kraju zasjedanja i prosljeđuje parlamentima i vladama država članica. U dijelu zasjedanja u kome je birano novo rukovodstvo, za predsjednicu PSOSCE-a ponovno je izabrana Christine Muttone, dok su za potpredsjednike PSOSCE-a izabrani Marietta Tidei, Roger Wicker, Margareta Cederfelt i Victor Dobre.

Izabrano je i rukovodstvo Komiteta za narednu godinu:

Politički komitet

- Filippo Lombardi (MP, Švicarska), predsjedavajući
- Guglielmo Picchi (MP, Italija), zamjenik predsjedavajućeg
- Kristian Vigenin (MP, Bugarska), izvjestilac

Komitet za ekonomska pitanja i okoliš

- Nilza Sena (MP, Portugal), predsjedavajuća
- Artur Gerasymov (MP, Ukrajina), zamjenik predsjedavajuće
- Sofio Katsarava (MP, Gruzija), izvjestilac

Komitet za demokratiju i ljudska prava


- Ignacio Sanchez Amor (MP, Španija), predsjedavajući
- Ivana Dobesova (MP, Češka Republika), zamjenica predsjedavajućeg
- Kyriakos Hadjiyianni (MP, Kipar), izvjestilac

Članovi Delegacije Parlamentarne skupštine Bosne i Hercegovine (PSBiH) u Parlamentarnoj skupštini Organizacije za sigurnost i saradnju u Evropi (PSOSCE) Aleksandra Pandurević, Bariša Čolak i Halid Genjac učestvovali su u radu 26. godišnjeg zasjedanja PSOSCE-a, koje je, potpisivanjem Protokola o uspostavi Grupe za podršku putu svile, okončano u Minsku.

Protokol koji je, zajedno s predstavnicima Bosne i Hercegovine, potpisalo 17 država osnivača Grupe za podršku putu svile ima za cilj jačanje ekonomskih i trgovinskih veza, kao i promoviranje uspostavljanja saobraćajnih koridora i mjera za olakšavanje saobraćaja i trgovine.

Izveštaj odobrila Aleksandra Pandurević, predsjedavajuća Delegacije PSBiH u PSOSCE-a

Izveštaj pripremila
sekretar Delegacije PSBiH u PSOSCE-a

Dženana Leper


Dostaviti:

- naslovu
- Sektoru za međunarodne odnose i protokol

Izveštaj odobrila Aleksandra Pandurević, predsjedavajuća Delegacije PSBiH u PSOSCE-a